

史

記

十

卷一

一

+

禮書第一

史記二十三

索隱曰書者五經六籍摠名也此之入書詁國
家大體班氏謂之志志亦記也○正義曰天地
位日月明四時序陰陽和風雨節羣品滋茂萬
物宰制君臣朝儀尊卑貴賤有序咸謂之禮經
六籍咸謂之書故曲禮云道德仁義非禮不成
教訓正俗非禮不備分爭辯訟非禮不決云云

太史公曰洋洋美德乎

索隱曰洋洋音羊洋洋美盛貌鄒誕生音翔非也

宰

制萬物役使羣衆豈人力也哉

正義曰言天地宰制萬物役使羣品

順四時而動咸有成功豈籍人力營為哉是美善盛大衆多之德也故孔子曰四時行焉百物生焉

余至大

行禮官

索隱曰大行秦官主禮儀漢景帝改曰大鴻臚鴻臚者掌九賓之儀也

觀三代損

益乃知緣人情而制禮依人性而作儀其所由

來尚矣人道經緯萬端規矩無所不貫誘進以

仁義束縛以刑罰故德厚者位尊祿重者寵榮

所以揔一海內而整齊萬民也人體安駕乘正義

時證為之金輿錯衡以繁其飾周禮王之五路有金路鄭玄曰以金

飾諸木○索隱曰錯縷衡扼為文飾也詩曰約軹錯衡毛傳云錯衡文衡也○正義為于偽反錯作銚七公反目好

五色為之黼黻文章以表其能耳樂鐘磬為之

調諧八音以蕩其心口甘五味為之庶羞酸醎

以致其美周禮曰羞用百有二十品鄭玄曰羞出于牲及禽獸以備其滋味謂之庶羞鄭眾曰羞者進也

情好珍善為之琢磨圭璧以通其意故大路越

席服虔曰大路祀天車也越席結括草以為席也王肅曰不緣也○正義按括草蒲草越戶括反皮弁

布裳周禮曰王視朝則皮弁之服鄭玄曰皮弁之服十五升白布衣積素為裳也○正義曰以鹿子皮為弁也

按襜積素布為裳也

朱絃洞越

鄭玄曰朱絃練朱絲絃也越瑟底孔

大羹美之酒

鄭玄

曰大羹肉湑不調以鹽菜也玄酒水也

所以防其淫侈救其彫敝

索隱曰彫謂彫飾也言彫飾是奢侈之弊也

謂彫飾也言彫飾是奢侈之弊也

是以君臣朝廷尊卑貴賤之序

下及黎庶車輿衣服宮室飲食嫁娶喪祭之分

事有宜適物有節文仲尼曰禘自既灌而往者

吾不欲觀之矣

孔安國曰禘祫之禮為序昭穆也故毀廟之主及羣廟之主皆合食于太祖灌

者酌鬱鬯灌于太祖以降神也既灌之後列尊卑序昭穆而魯逆祀躋僖公亂昭穆故不欲觀之

周衰禮

廢樂壞大小相踰管仲之家兼備三歸

包氏曰三歸娶

三姓女也婦人謂嫁曰歸

循法守正者見侮於世奢溢僭差者

謂之顯榮自子夏門人之高第也

索隱曰言子夏是孔子門

人之中高弟者謂才優而品第高也
故論語四科有文學子游子夏也

猶云出見紛華盛

麗而說入聞夫子之道而樂二者心戰未能自

決而況中庸以下漸漬於失教被服於成俗乎

孔子曰必也正名於衛所居不合

論語曰子路曰衛君待子而為

政子將奚先子曰必也正名乎馬融曰正百事之名

仲尼沒後受業之徒沈湮

而不舉或適齊楚或入河海

正義曰論語云太師摯適齊亞飯干適楚鼓方

叔入于河少師陽擊磬魯襄入于海魯哀公時禮壞樂崩人皆去也

豈不痛哉至秦有天

下悉內六國禮儀采擇其善雖不合聖制其尊

君抑臣朝廷濟濟依古以來

正義曰秦採擇六國禮儀尊君抑臣朝廷濟濟

依古以來

至于高祖光有四海叔孫通頗有所增

禮書

益減損大抵皆襲秦故

應劭曰抵至也瓚曰抵歸也○索隱曰按大抵猶大略也

臣瓚以抵訓為歸則是大略大歸其義皆通於一

自天子稱號

正義稱尺證反

下至

佐僚及宮室官名少所變改孝文即位有司議

欲定儀禮孝文好道家之學以為繁禮飾貌無

益於治躬化謂何耳

正義曰孝文本紀云上身衣弋

帳不得文繡治霸陵皆以瓦器是躬化節儉謂何嫌耳不須繁禮飾貌也

故罷去之孝景時

御史大夫晁錯明於世務刑名數干諫孝景曰

諸侯藩輔臣子一例古今之制也今天國專治

異政不稟京師恐不可傳後孝景用其計而六

國畔逆

正義曰吳楚趙菑川濟南膠西謂六國也齊孝王狐疑城守三國兵圍齊齊使路中大夫告天子不

言七以錯首名天子誅錯以解難正義曰上紀買

國也反下乃憚反事在表盜語中是後官者養交安祿而已莫敢

復議今上即位招致儒術之士令共定儀十餘

年不就或言古者太平萬民和喜瑞應辨至正義

曰辨音遍乃采風俗定制作上聞之制詔御史曰蓋

受命而王各有所由興殊路而同歸謂因民而

作追俗為制也議者咸稱太古百姓何望漢亦

一家之事典法不傳謂子孫何化隆者閎博治

淺者褊狹可不勉與乃以太初之元改正朔應劭

曰初用夏正以正月為歲首改年為太初易服色封太山定宗廟百官之

禮書

儀以為典常垂之於後云禮由人起人生有欲

欲而不得則不能無忿忿而無度量則爭正義曰音諍

爭則亂先王惡其亂故制禮義以養人之欲給

人之求使欲不窮於物物不屈於欲正義曰屈二羣物反

者相待而長是禮之所起也故禮者養也稻梁

五味所以養口也椒蘭芬蒨所以養鼻也索隱曰蒨

音止又音昌改反鐘鼓管弦所以養耳也刻鏤文章所以

養目也䟽房牀第几席所以養體也服虔曰簞謂之第○索隱

曰䟽謂窻也○正義曰䟽謂窻也第側里反故禮者養也君子既得其養

又好其辨也所謂辨者貴賤有等長少有差貧

富輕重皆有稱也故天子大路越席所以養體

也正義曰謂蒲華為席既紮且柔

側載臭篚所以養

鼻也

索隱曰劉氏云側持也臭香也芷香草也言天子行持得以香草自隨也其餘則否臭為香者山海經云

臭如蘼葉蕪易曰其臭如蘭是臭為草之香也今以側為邊側載者置也言天子之側常置芳香於左右

前有

錯衡所以養目也

注見前

和鸞之聲

鄭玄曰和鸞皆鈴也所以為車

行節也韓詩內傳曰鸞在衡和在軾前升車則馬動馬動則鸞鳴鸞鳴則和應服虔曰鸞在鑣和在衡續漢書輿服志曰鸞為雀立衡也○正義曰皇侃云鸞以金為鸞鳥懸鈴其中於衡上以為遲疾之節所以正威儀行舒疾也

武象驟中韶護所以養耳也

步中

樂也○正義曰步猶緩車則和鸞之音中於武象驟車中於韶護也

鄭玄曰武武王樂也象武舞也韶舜樂也護湯

信也

龍旂九旒所以養

信也

周禮曰交龍為旂○正義存音旒

寢兕持虎鮫鞞

徐廣曰鮫魚皮可以

飾服器音交鞮者當馬掖之革音呼見反○索隱曰寢兕一以兕牛皮為席持虎者以猛獸皮文飾倚較及伏軾故云持虎劉氏云畫之於旌竿及楯杖等以今所見為說也鮫鞮者以鮫魚皮飾鞮鞮馬腹帶也○正義曰兕音似爾雅云兕似

牛彌龍所以養威也徐廣曰乘輿車金薄瑤龍為輿倚較文虎伏軾龍首衛軛○索隱曰

彌亦音弭謂金飾衛軛為龍此皆王者服御崇飾所以示威武故云所以養威也此文皆出大戴禮蓋是荀卿所說劉氏

云薄猶飾也瑤然龍貌音虬故大路之馬必信至教順然後乘

之所以養安也孰知夫士出死要節之所以養

生也索隱曰言人誰知夫志士推誠守死要立名節仍是養生安身之本故下云人苟生之為見若者必死是

解上意言人苟以貪生之為見不能見危致命若者必死若猶如也言執心為見如此者必刑戮及身故云必死下文皆

放此也○正義曰夫音扶要音腰孰知猶審知也出死猶處死也審知志士推誠處死要立名節若曹沫茅焦所以養生

也命孰知夫輕費用之所以養財也正義曰費音芳味反輕猶薄言

審知勤薄費用則能蓄聚所以養財貨也孰知夫恭敬辭讓之所以養安

也正義曰言審知恭敬辭讓所以養體安身孰知夫禮義文理之所以養

情也正義曰言審知禮義文章道理所以養其情性此四科是儒者有禮義故兩得之也人苟生

之為見若者必死正義曰苟且若如此也言平凡好生之人且見操節之士以禮義處死養得

其生有効如苟利之為見若者必害正義曰言平凡利義之士以輕省費用養得其財有効如此者必害身也急情之為安若者必危

正義曰惰徒卧反言平凡怠惰之人且有見禮之士以恭敬禮讓養得安樂有効如此者必危亡也情勝之

為安若者必滅索隱曰覆解上禮義文理之所以養情也○正義曰勝音叔證反言平凡好勝

之人且見義之士禮義文理養得情有効如此者必滅亡也此四科是墨者無禮義故兩失之也故聖人

一之於禮義則兩得之矣一之於情性則兩失

禮書

之矣故儒者將使人兩得之者也墨者將使人

兩失之者也

索隱曰墨者不尚禮義而任儉嗇無仁恩故使人兩失之詩曰悅以使人人志其死

是儒墨之分

正義曰分音扶問反分猶等也若儒等而名之總則治辯之極也疆固之本也

天下歸矣治辨之極也疆固之本也

索隱曰自此已下皆是儒分之

功也○正義曰固堅固也言國以禮義四方欽仰無有攻伐故為疆而且堅固之本也

威行之道也

正義曰以禮義導天下天下伏而歸之故為威行之道也

功名之摠也

正義曰以禮義率天下天下

下咸尊之故為功名之總也合也聚也

王公由之

正義曰由禮義也

所以一天下

臣諸侯也弗由之所以捐社稷也故堅革利兵

不足以為勝

索隱曰覆上功名之摠也

高城深池不足以為

固嚴令繁刑不足以為威由其道則行不由其

道則發楚人鮫革犀兕所以為甲堅如金石宛

之鉅鐵徐廣曰大剛曰鉅○正義曰宛城今鄧州南陽縣城是音於元反鉅劉鐵也施鑽如

逢蠶蠶索隱曰鑽謂矛刃及矢鏃也輕利剽激正義曰上匹妙反下音速剽激疾也卒

如慄風正義曰卒村忽反慄必遙反慄風疾也然而兵殆於垂涉唐

昧死焉許慎曰垂涉地名也莊躒起楚分而為四索隱曰躒音其略反

楚將之名言其起兵亂後楚遂分為四按漢志滇王莊躒之後也○正義曰以起字為絕句或云楚莊王苗裔也括地志

云師州黎州在京西南五千六百七十里戰國楚威王時莊躒王滇則為滇國之地楚昭王徙都都莊躒王滇楚襄王徙

都陳楚考烈王徙都壽春咸被秦逼乃四分也然昭王雖在莊躒之前故荀卿兼言之也參是豈無堅

革利兵哉索隱曰參者驗也言驗是楚豈無利兵哉○正義曰參七含反言躒楚國豈無堅甲利兵哉為

其不由禮義故衆分也其所以統之者非其道故也汝穎以

禮書

為險

正義曰括地志云水源出汝州魯山縣西伏牛山亦名猛山汝水至豫州郟城縣各瀆水爾雅云河有瀆

汝有瀆亦汝之別名潁水源出洛水嵩高縣東南三十五里陽乾山俗名潁山地理志高陵山汝出東南至新蔡縣入淮

陽乾江山潁水出東至下蔡入淮也江漢以為池正義曰江即岷江從蜀入楚在荊州南漢江從

漢中東南入江四阻之以鄧林緣之以方城山海經曰水為楚之險固也

逐走日入渴欲得飲飲於渭河不足北飲大澤未至道渴而死棄其枝化為鄧林駟謂鄧林後遂為林名○索隱曰按裴

氏引山海經以為夸父弃杖為鄧林其言北飲大澤蓋非在中國也劉氏以為今襄州南鳳林山是古鄧祁侯之國在楚

之北境故云阻以鄧林也○正義曰括地志云方城房州竹山縣東南四十一里其山頂上平四面險峻山南有城長十

餘里名為方城即此山也然而秦師至鄢郢舉若振槁索隱曰

擊也槁乾葉也○正義曰鄢音鄢括地志云故城在襄州安養縣北三里古鄢子之國鄢之南鄢也又率道縣南九里有

故鄢城漢惠帝改曰宜城也郢城荊州江陵縣東北六里即吳公子光伐楚楚平王恐城郢者也又楚武王始都郢絕南

故城是也在江陵北十五里也。是豈無固塞險阻哉其所以統之

者非其道故也。紂剖比干囚箕子為炮烙刑殺

無辜時臣下慄然莫必其命。索隱曰言無人必保其性命然而

周師至而令不行乎下不能用其民是豈令不

嚴刑不峻哉其所以統之者非其道故也。古者

之兵戈矛弓矢而已然而敵國不待試而誦。徐廣曰試一作誠也。正義曰求

曰誦立勿反試用也。城郭不集溝池不掘。正義曰求勿反又求

反固塞不樹機變不張然而國晏然不畏外而

固者無他故焉。明道而均分之。正義曰分扶問反言明儒墨之分使禮義

均等則下應之如影響耳。時使而誠愛之則下應之如影響有

禮書

不由命者然後俟之以刑

正義曰事君以禮義民有不由禮義者然後待之以

刑則民之罪伏刑矣

則民知臯矣故刑一人而天下服臯人

不尤其上知臯之在己也是故刑罰省而威行

如流無他故焉由其道故也故由其道則行不

由其道則廢古者帝堯之治天下也蓋殺一人

刑二人而天下治傳曰威厲而不試刑措而不

用天地者生之本也先祖者類之本也

正義曰類種類也

君師者治之本也無天地惡生

正義曰惡音烏

無先祖

惡出無君師惡治三者偏亡則無安人

索隱曰鄒氏偏音遍

○正義曰偏疋然反

故禮上事天下事地尊先祖而降君師